

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

VI. Quibus modis cessare possit abligatio servandæ legis humanæ.

urn:nbn:de:hbz:466:1-38979

lianos, Episcopo, inquit, subditi estote sicut Domino : & in Concil. Calcedon. aet. 15 can 8. statutum, ut Clerici basilicū, monasteriis, & alio Ecclesiis a scripti, secundum sanctorum Patrum traditiones sub Episcopi potestate permaneant, nec per contumaciam ab Episcopo suo desiliant; qui vero audent evertere huinc modi formam, & quocunque modo nec proprio subiiciuntur Episcopo, canonum correctionibus subiacebunt.

Quod spectat ad alios Ecclesia Prælatos, breviter dicimus, præter Romanum Pontificem aliosque Episcopos, quasdam alias dignitates in Ecclesia reperiri ad majorem ipsius tum utilitatem tum decorum; ac in primis Sanctæ Romanæ Ecclesia Cardinales summo Pontifici assistere, ipsumque in regenda Ecclesia universa consilio & opera iuvare, de quibus plura videri possunt apud Bellarm. lib. I. de Clericis cap. 16. Patriarchas item ac Primates Archiepiscopis seu Metropolitanis supereminere, & istos aliis Episcopos, ita ut sicut habetur cap. Si inter, 6. quest. 4.) ab Episcoporum judicio ad Archiepiscopos & Metropolitanos appellari possit; & ab ipsis ad Primates & Patriarchas, ac demum ad Romanum Pontificem, cuius iudicio controversiam quamcunque ad res aut personas Ecclesiasticas spectantem dirimi ac definiri oportet.

Vbi tamen observandum est adversus Episcopos propter eminentiam dignitatis in causis criminalibus gravioribus, nec sententiam ferri, nec etiam juridice inquire aut procedi posse absque sedis Apostolicæ autoritate, ut in pluribus canonibus sanctum habetur ac novissimè in Concilio Trid. sess. 24. cap. 5.

SECTIO VI.

Quibus modis cessare possit obligatio servanda legis humane.

DICENDVM 1. legis humanæ servandæ obligationem cessare posse per abrogationem illius; ac proinde legem ipsam humanam ob causas alias justas & rationabiles

nabiles posse aliquando abrogari: Nee enim (ut loquitur Innocentius in Concilio Lateran. generali, & refertur cap. 8. de consang. & affinit.) Debet reprehensibile iudicari, si secundum varietatem temporum statuta quandoque varietur humana; prasertim cum urgens necessitas, vel euidens utilitas id exposcit: quenam ipse Deus ex his, quae in veteri testamento statuerat, nonnulla mutarant in novo.

Dicendum 2. legem humanam abrogari posse tum illius dissuetudine, vel contraria consuetudine (ut se est seq. dicetur) tum etiam voluntate principis qui legem tulit, aut successoris, vel superioris illius: certum est enim principem, qui legem tulit, posse illam reuocare & abrogare; eadem enim potestas qua ad legem ferendam requiritur, sufficit ad illam abrogandam; cum iuxta regulam iuris, *Res omnis per quascunque causas nascitur, per easam dissolvi potest.*

Certum est etiam id ipsum ab eius successore posse fieri, cum tanta sit potestas successoris, quanta fuit illius qui legem tulit: sicut ergo potest hic legem à se latam reuocare, sic & ille poteris: & cum par in parem non habeat imperium, non potest huic ille valide præcipere, ne legem à se latam reuocet. Certum est denique superiori in inferioris legem posse abrogare: sicut enim inferior subdit superiori; sic eius potestas superioris potestati subdita est; unde per quamdam eminentiam potest quid quid inferior; qui sicut legem à se latam reuocare potest sic etiam poterit eius superior.

Dicendum 3. cessare quoque obligationem seruanda legis, quando illius causa & ratio cessat. Ita S. Doctor 2. q. 103. a. 4. quia (ut habetur c. *Cum cessante, de appellationibus*) *cessante causa cessat effectus:* & sicut lex ab initio non subsisteret, si absque causa & ratione lata esset; ita desinente causa & ratione ob quam lata est, ipsa etiam esse, ac proinde obligare definit: quod tamen intelligi debet in praxi, quando certum est & evidens causam eiusmodi legis cessare; alias, si aliqua dubitandi ratio subsistatur, tunc adire Superiorum, nihilque inconsulto illo contra, legis tenorem attentare.

Quod

Quod si lex plures in se partes contineat quae ab iniunctum distingui possint, tunc (ut recte monet Suar. Lib 6.) de leg. c. 9. quamvis cesset causa & ratio alicuius partis, potest tamen alterius ratio & causa perseverare; sicque lex censebitur secundum illam partem semper obligare, ut enim habetur in regulis iuris: *utile per inutile non debet vitari.*

Dicendum 4. legis seruandæ obligationem cessare præterea per legitimam superioris dispensationem. Ita S. Thomas variis in locis sed præsertim 2.2. q. 88. art. 10. ad 2. ubi, quid sit dispensare, explicat his verbis: *Cum dispensatur in lege humana, non sit ut legi humana non obediatur, quod est contra legem naturæ, & mandatum diuinum, sed sit ut hoc, quod erat lex, non sit lex in eo casu, respectu scilicet illius cum quo dispensatur: sicut n. ex causa rationabili potest legislator aut eius successor, vel superior legem revocare & abrogare; (ut supra dictum est) sicque omnes sudditos ab obseruatione illius eximere, poterit à fortiori ex rationabili causa aliquem particularem sibi subditum ab illius seruandæ obligatione eximere; & sic cum illo super ea lege dispensare.*

Quæres, an dispensatio concessa sine causa iusta & rationabili valida sit & licita. Resp. validam quidem esse, ut docent Innocentius, Nav. & plures alii quos citat & sequitur Sanch. Lib. 8. de dispensat. disp. 17. nu. 25. sed tamen illicitam respectu tum superioris dispensantis, tum subditri dispensationem illam postulantis, & acceptantis, ut docet S. Thom. 1.2. quæst. 97. a. 4. unde Conc. Trid. sess. 24. cap. 5. & sess. 25. cap. 18. dicit dispensationes, nonnisi urgenti & justa ratione causacognita, & summa cum maturitate concedendas esse.

Quale autem peccatum sit absq; iusta causa dispensare non consentiunt inter se Doctores: quidam enim (ut Navarr. prælud. 9. n. 14. & Sotus lib. 1. de justitia q. 7. art. 3.) arbitrantur superiori sine iusta causa in propria lege dispensantem peccare tantum venialiter: alii (ut Suar. lib. 6. de legib. cap. 18. & Valent. tom. 2. disp. 7. quæst. 5. pun. 6..) asserunt peccare mortaliter: probabilius tamen loqui videntur illi, qui id ex qualitate legis ac dispensationis, dijudi-

djudicandum esse afferunt: si enim ex illa dispensatione scandalum aliquid, aut damnum temporale aut spirituale oriatur, tunc peccatum erit mortale; si vero nullum ius inodi scandalum aut damnum subfit, erit tantum remiale.

Quæres 2. an inferior aliquando dispensare possit in legge superioris. Resp. id neque licite neque validè fieri posse, nisi quando gravis aliqua urget necessitas, nec nisi ralde difficilis ad superiorum pateat recursus; excipitur item casus in quo dispensandi facultas inferiori generali aliqua lege, vel specia i privilegio concessa sit, vel aliqua legitimè præscripta consuetudine comparata: qua quidem fusius explicata videri possunt apud Laym. tract. 4. de leg. cap. 22.

Quæres 3. an Prælati, & superiores possint secum dispensare in iisdem casibus, in quibus cum aliis dispensare possent. Resp. posse non modo validè sed etiam licet, non committendo alteri, v. g. confessario, aut vicario, facultatem ut secum dispensare possit in iis, in quibus possent cum subditis dispensare; tum etiam directè secum dispensando ob easdem causas, ab quas iuste & rationabiliter cum subditis dispensare possent, ut fusius explicat & probat Sanch. Lib. 8. de dispens. disp. 3. nu. 3. & sequent.

Dicendumq. legis seruandæ obligationem in aliquo casu particulari cessare posse per ipsius legis interpretationem seu emendationem, quæ fit per virtutem illam, qd Theologi epikiam seu æquitatem vocant, cuius proprium est (ut docet S. Thom. 2. 2. q. 120 a. 1.) legem humanam universim aliquid præcipientem in aliquo particulari easu, in quo cessat illius obligatio, vel interpretari vel emendare: cum enim (ut idem declarat) actus humani, de quibus lex fertur, in singularibus contingentiis consistant, quæ variari possunt infinitis prope modis, quos legislator præuidere nequit, quicum in ferendage communem spectet utilitatem, ad id præsertim attinet quod in pluribus accidere solet; hinc fit ut aliqui casus occurrere possunt, in quibus lex ipsa deficiat; ita ut non solum

solum tunc nulla sit ad illam servandam obligatio, sed ne quidem ejus observatio licita sit: e.g. lex, qua jubet ut deposita restituantur, iusta est; & tamen contingere potest aliquando, ut proditor, vel furiosus arma deposita reposcat, ille ad patriæ impugnationem, hic ad sui vel alterius necem; in quibus casibus manifestum est restitutionem depositi, quamuis lege præscriptam, nihilominus esse cōtrationem, ac proinde illicitam: quare necesse est tunc legem illam vel interpretari vel emendare, legislatoris potius mentem quam verba sequenda: hinc Cœlestinus Papa cap. *Humanae aures* 22. quæst. 5. Non debet, inquit, aliquis verba considerare, sed intentionem ac voluntatem; quae non debet intentio verbis deseruire, sed verba intentioni. Porro intentio & voluntas legislatoris, tum ex materia legis, tum ex ejusdem circumstantiis, tum præsertim ex illius fine & causa seu ratione ob quam lex ipsa lata est, intelligi poterit.

SECTIO VII.

An, & quara ratione consuetudo vim legis obtineat.

DICENDVM 1. consuetudinem aliquando vim legis obtinere posse. Ita S. Doctor I. 2. q. 97. a. 3. & patet ex usu communium Rerum publicarum, tum etiam ipsius Ecclesiæ: constat enim in variis regnis & provinciis, immo & in ipsa Ecclesia plurima recepta esse, & tanquam obligantia observari, qua tamen nulla lege positiva sed sola consuetudine introducta sunt, unde S. August. Epist. 86. ad Casulanum, *Mos*, inquit, *populi Dei, & iustituta maiorum pro lege sunt tenenda; & sicut prevaricatores legum diuinarum, ita & contemptores consuetudinum Ecclesiasticarum coerendi sunt.*

Dicendum 2. ad hoc ut consuetudo aliqua vim legis obtineat, quatuor præsertim conditiones requiri. Prima est, ut consuetudo illa sit rationabilis, & bono communione utilis,

R. utilis,